

**Landesbibliothek Oldenburg**

**Digitalisierung von Drucken**

**Sebastiani Castellionis Sacrorvm Dialogorum Libri  
Qvatvor, Qvos Postremo Ipse Recognovit: Argvmenta  
Singvlis Dialogis Praeposvit, Et Sententias Svbiecit ...**

**Châteillon, Sébastien**

**Francofurti, 1761**

**VD18 12886300**

Absalomvs.

**urn:nbn:de:gbv:45:1-18303**

ctem acturus. Nunc latet in aliquo antro, aut alio loco. Quod si quis principio de tuis ceciderit, & rumor sparsus fuerit factam esse eadem Absalomorum, illi ipsi, qui nunc sunt leonibus animosiores, exanimabantur. Sciunt enim universi Israelitæ, patrem tuum virum esse fortissimum, nec non ejus milites. Verum meum consilium est, ut conveniant ad te omnes Israelitæ a Dane ad Bersebam, qui futuri sunt arena numerosiores, utque tu ipse inter eos præsens incedas. Tum eum adorti, ubi ubi erit, rore densius invademus, ut neque ipse, neque ejus comitum vel unus evadat. Quod si se in aliquod oppidum receperit, id oppidum universi vel funibus cinctum in flumen ita everriculabimus, ut ne calculus quidem relictus fiat. *A.* Melius est illud consilium, quam Achitophelis: obtemperabitur tibi:

## SENTENTIA.

*Impiorum prudentia bonis perniciosa est, piorum salutaris. Impiis favere & consulere contra pios, impium est. Rursus impios ad piorum salutem detipere, pium est, & ipsis etiam impiis utile. Minus enim graves pœnas Deo dabunt, si pios non occiderint.*

ABSALOMVS. 2 Reg. 18. 19.

## ARGVMENTVM.

Absalomus, e prælio elapsus de quercu crinibus pendens, a Joabo necatur. Hujus audita nece David sese afflicat & a Joabo propterea objurgatur.

H 2

Miles

*Miles Joabus, Achimaas, Chufis, Speculator,  
David, Quidam.*

**C**um persequeretur fugientes & dissipatos hostes, Absalomum vidi caesarie pendentem de quercu. *J.* Vidisti autem? Cur non eum ad terram deturbatum occidisti? Nam meae partes fuissent, decem te argenteis nummis & baltho renumerari. *M.* Ego vero, si mihi mille nummi <sup>a)</sup> in manum annumerentur, non sum manum filio Regis injecturus. Nam audientibus nobis praecipit Rex tibi, Abiscoque & Ettæo, ut adolescenti Absalomo <sup>b)</sup> caveretis, nedum ut ego tam perfidiose, tanto cum vitae meae periculo facerem, neque enim res tanta Regi ignota esse posset. Verum jam ad eum ventum est: tu ipse vide, quid tibi agendum putes. *J.* Videbis me non ita cunctantem. Morere boni parentis perversa progenies. Accipe hæc tria tela de mea manu, recta in medium pectus. Vos mei armigeri, circumfusi <sup>c)</sup> eum conficite. Tu præco, <sup>d)</sup> confectum bellum est, cane receptui, ut a persequendo revocentur milites. *A.* Visne igitur ut ad Regem curram, eique renunciem, Jovam de ejus hostibus sumfisse supplicium? *J.* Tu vero ne feceris hodie: alias facies: hodie quidem non es jucundum allaturus nuncium, propterea quod Regius

Filius

a) Præsentes.

b) Prospiceretis.

c) Circumdantes.

d) Occiso duce tanquam præciso corporis capite, victi sunt hostes.

Filius est mortuus: Tu Chusi, ad renunciandum Regi, quod vides. C. Libenter, & quidem cursim. A. Quid si ego Chusim cursu consequar? J. Cur consequaris fili? non est obtenturus evangelium. A. Sed quid si consequar? J. Per me licet. A. Curro, facile Chusim antevertam. J. Nos vero hoc Deo hominibusque invisum cadaver in hanc vastam voraginem in hac sylva destrudamus, & lapides insuper cumulate exaggeremus, ut tam nefarium facinus memoria ac nomine loci notetur. Nam talibus sunt digni monumentis, qui mortem ejus machinantur, quorum beneficio vitam sunt adepti. S. Heus rex, video hominem huc accurrentem solum. D. e) Si quidem solus est, boni aliquid portat. S. Video item quendam alium currentem, etiam solum. D. Is quoque lætum nuncium affert. S. Ex cursu priorem conjicere videor Achimaam esse, Sadoci filium. D. f) Virum bonum nominas, de nuncio læto venit. A. Salve Rex! & simul g) agendas Jovæ gratias existima, cujus auspicio subacti sunt, qui in te arma sumpserant. D. Salvusne est adolescens Absalomus? A. Magnam hominum turbam vidi, cum me huc mitteret Joabus; cæterum quid sit, nescio. D. Recede, consiste isthic. C. Regem plurima salute & lætitia impertio, cu-

H 3 jus

e) Hoc per conjecturam dicit David: siquidem, qui læta apportant, currere solent: in quo celeraimus quisque facillima cæteris solus antecurrit.

f) Boni Bonis libenter læta nunciant.

g) Victoria donum Dei est.

ius Deus hostes omnes hodie ultus est. *D.* Sal-  
 vus ne est adolescens Absalomus? *C.* Utinam sic sint  
 omnes tui hostes, o Rex, & quotquod tibi malum  
 anachinantur. *D.* Fili mi, Absalome, fili mi, fili  
 mi, Absalome, utinam ego pro te sim mortuus.  
 Absalome fili, fili, heu me miserum; *C.* Luctum  
 attuli, non lætitiā: nec solum Regi, qui audito  
 interitu filii, se coniecit in cœnaculum portæ, ubi  
 in luctu sit, & se afflictet: sed etiam populo uni-  
 verso, cujus lætitiā, audita Regis tristitia, in mor-  
 rorem convertet. Sed video Joabum huc adve-  
 nientem: stomachatur. *J.* O lepidum Regem  
 & dignum, cujus adhuc vivat filius: ubinam est?  
*Q.* Sursum est. *J.* Quem ego, nisi: sed me  
 comprimam, o turpe spectaculum! Itane verum  
 David? sicine tuos omnes hodie dedecoras, &  
 eorum honestissimam victoriam in fœdissimum  
 luctum convertis? qui te, tuosque liberos, & uxores,  
 tum justas, tum <sup>h)</sup> concubinas, a crudelissi-  
 ma morte vindicaverunt. At non oportet (quod  
 tu facis) ita amare inimicos, ut oderis amicos.  
 Nunc quidem facile ostendis, te tuos omnes &  
 nobiles & ignobiles pro nihilo habere. Nam  
 equidem compertum habeo, te <sup>i)</sup> unius Absalo-  
 mi salutem nostra omnium morte velle redem-  
 ptam. Verum age, prodi, & tuos affare leniter.  
 Nam per Deum immortalem, nisi tu prodeas, effi-

*h)* Erant concubinæ legitimæ uxores illæ quidem, sed  
 minoris dignitatis, quam cæteræ.

*i)* Cupere, ut nos omnes potius mortui essemus, quam  
 Absalomus.

ciam, ut ante noctem omnes ad unum a te deficiant: quo gravius malum, nullum unquam in vita tibi evenit.

## SENTENTIA.

*Honora parentes tuos, si vis vivere diu. Is indignus est vita, qui in autorem vitæ suæ ingratus est. Dignus est infami morte, qui bonum malo pensat. Ardentem amorem ne summa quidem injuria extinguit.*

BERZELAEVS. 2 Reg. 19.

## ARGVMENTVM.

Berzelæum pro ejus in se meritis vult David in aulam ducere. Sed illo propter senectam recusante, abducit ejus loco Chamaamum.

*Berzelæus, David.*

**S**alve, nobis tandem reddite Israelitarum Rex, D. O salve multum Berzelæe, homo de me multum bene merite. Trajicies tu mecum Jordanem: ego te apud me alam Hierosolymis.

B. At quot annos natus, ut cum Rege Hierosolymam ascendam? Ago nunc octogesium annum: a) poterone bonum a malo discernere? poterone cibo & potione delectari? aut fidicinum, fidicinarumve cantus audire? Liceat mihi tecum paululum trans Jordanem progresso (cur enim tanto me cumules beneficio?) liceat, in-

H 4

quam

a) Senectus & judicio deficitur, & voluptatum minas capax est.